



For Immediate Release

## Division of Elections-at Ayagnillerkait Top Four Primary-q Ranked Choice Voting-aq-Ilu

**March 1, 2021 (JUNEAU, AK)** – Better Elections Initiative-aq aturyaurciiquq February 28-ami. Cucuklitulit cucuklirciqut nutarami political party-nun allakaumanrilngurni Top Four Primary-mi (Cetaman cucukecetaalriit amllenritnek cucukumallret cucukliqaraarutiitni) August 16, 2022-ami, Cucuklirpagyarami-Ilu tungliquurluki naaqutliluki cucuklirluteng (Ranked Choice Voting) November 8, 2022-ami.

Division of Elections-at cimiutait cucuklitulit tangerrsumaciiqait; ayagneqluki nutartellrit cucuklircetaararkat imirarkait maligtaquluku nutaraq alerquun. Ilakluku, DOE-m aturciqai nutarat kitukanillret-Ilu picirkangutet ayagnillerkaanun nutaram alerquutem. Caliaqellra Alaska-m cucukliryaaran cimillra cucuklilriit ciuniullratnun calirpagnarquq ak'aninaqluni-Ilu, taugaam DOE-m cumigutkaak aassaqucimannitlerkaq ilagaucungngallrit-Ilu cucuklitulit.

Arcaqalriit cimiutekat ilait ukuugut:

- **Cucuklircuun atauciugarkauluni cucukliqaraarutmi.** Tamarmeng cucukecetaalriit alngaucimaciqut *political party*-nun ilagausngallrit aturpeknaki. Kiingan cetaman cucukecetaalriit amllenritnek cucukumallret cucukliqaraarutmi ciutmuruciiqait cucuklirpagyaramun. Cucukliqaraarutem aturngaitaa RCV-q.
- **Cucukecetaalriit kaigan aturnanrillerkait.** Cucukecetaalriit cucukliqaraarutmi alngaucimaksailnguut cucuklirpagyaram cucuklircuutiini alngaucimangaitut. Cucukliqaraarutmi cucukecetaallrunrilnguut alngaucimayuumaut Cucuklirpagyarami.
- **Ayuqenrilnguut cucuklircuutekat ayuqucirkait/alerquutait Cucuklirpagyarami.** Cucuklitulit tungliquiryugngaciqut cucukiyugngaluteng-Ilu amllernek wall' ikgelngurnek cucukecetaalrianek alngaucimalrianek wall'u-qaa alngauciluteng cucukekngameggnek). Kiyarniaraci division-am website-aani Cucuklirpagyaram cucuklircuutiin ayuqii.
- **Kiingan ciuqliat naaqerraalrit qanrutkumaciqut Cucuklillrita Atakuani.** Una ayuquq ciungani cucukliryaaracetun cali-Ilu ukut naaqerraarutekciqluki.

- Cucukecetaalriartailkan avgatnek wall'u amllenranek cucukliutelegmek, naaqengicciqait 15-at erenret tekiskan cucukliryaram kinguakun, cucuklircuutet ciuniurumaraarcelluki naaqumariraarcelluki-llu.

**Director Gail Fenumiai qanertuq**, “*Division of Elections*-aq upingauq aturyaurtellerkaiitnek cucuklitulit piyuutait.” “Allrakuq cipluku, calillgutekeciiqaput *Alaska*-rmiut kangingnaurulluki qaillun makut cim’iit agtuumaciiqellerkaiit cucukliryaraq cali cucuklitulit upingaciqut 2022-ami. Calirpautekuuciqaput elluarluku cimillerkaa cucukliryaram.”

Elicallerkaiit cucuklitulit *Top Four Primary*-mek *RCV*-mek-llu arcaqalriaruuq elluarillerkaanun cucukliryaram. *DOE*-m cumigutai cucuklirtet taringengegcaarallerkaiit qaillun tamarkeggenka cucukliryaraak, ilakluki cimiutait maligtaquarkaiit cucukecetaalriit imirillritnun, cucuklillritnun, cucuklirvigmi calilrianun, nutaranun-llu naaqiyarait.

*DOE*-t taringnarqellrianek elicararutkiurtut assillratgun nallunairiyaratgun internet-atgun, tv/niicugnissuutetgun, *website*-atgun, calillgutkiyaratgun, kalikatgun-llu. Ayagnillerkangqertuq *May 2021*-ami.

*DOE*-m tangvagluku *Maine*-am atullruaku *RCV*-q 2020-m Cucuklirpagyaraani, nallunritesqumaluki *Alaska*-m cucuklirtai qaillun *RCV*-m caliyaraanek. Cucuklirtet tangvagyuumait *Maine*-am *RCV*-q nalqigtellratgu *video*-mi wani <https://youtu.be/3Ez3aEUjRQo>. Nallunritnarquq *RCV*-kun cucuklirarkat amllenruciqut *Alaska*-mi ayuqevkenaku *Maine*-aq.

*DOE*-m ilallrui *RCV*-m *FAQ*-rit (apqaurutait picilriit-llu) *website*-ameggnun, [www.elections.alaska.gov](http://www.elections.alaska.gov). Nutarquurciqait taquciaqameng nallunritarkameggnnek. Cucuklitulit apqauriyuumaut *RCV*-m tungiinun *DOE*-q *email*-arluku, [elections@alaska.gov](mailto:elections@alaska.gov). Division-am *website*-aa, caliaqurarait, kitugikanirturluku, cimirturluku-llu, nallunairiciquq *RCV*-mek ilakluki: cucuklircuutet ayuqait; elicungcarsuutnek *video*-nek; atullerkaiit nutarcimalriit taqlerkiurait-llu.

###

Alngarluku wall'u Tuqlurluku: Tiffany Montemayor – Public Relations Manager, Division of Elections:  
GOV.elec.media@alaska.gov or (907) 465-4611